

Muntada da e privels per las ovras idraulicas

La pcd 60 plus dal Grischun ha orientà

■ **(anr/gc) Il parsura da la pcd 60 plus dal Grischun, Roland Tremp, ha pudì beneventar in grond dumber da commembers a l'inscunter da mesemna a Cuira. Igl è i per orientar davart la muntada da ed ils privels per las ovras idraulicas – spezialmain en noss Chantun – en vista a la nova strategia energetica da la confederaziun.**

In tema da gronda impurtanza era per il Grischun. Cun ina retscha da referats, inputs e discussiun al podi han ins survegni ina survista da la situaziun actuala e surtut da la problematica dad insumma anc pudair trair a niz l'energia electrica sut las nauschas cundiziuns dadas.

Ord vista federala

Las ovras idraulicas stattan – tenor cuss. dals chantuns *Stefan Engler* – sut grond squitsch. Renovar ed extender quellas na renda betg pli. Ellas furneschan 57 % dal consum energetic en Svizra.

Il cussegl federal na tegna betg suffizientmain quint tar sia strategia da quels fatsg pauc legraivels. Las grondas subvenziuns per ovras da vent e fotovoltaica en l'Europa ha effectuà il bass pritsch per l'energia. Quai tutga fermamain las interpresas d'energia idraulica. Ins tschertga in model che s'orientescha tenor la fiera cun pretschs reals per la qualitat furnida.

L'optica chantunala

Cuss. gov. *Mario Cavigelli*, schef dal departament chantunal da construcziun, traffic e forestalesser, preschenta la muntada da la forza idraulica per noss chantun ed alleghescha ils privels. Per il Grischun giaja i per fitg blier. El circumscriba las pretensiuns dals chantuns da muntogna che furneschan forza idraulica. Ins insista da segirar in pretsch (tschains) fair persuerter.

Da muntada per las vischnancas

Deputà *Alessandro Della Vedova*, president communal da Puschlav, di che sia vischnanca perdia fitg blier. Repower, cun sedia a Puschlav, occupa schia 180 collavurats e

saja la pli gronda interpresa en la Val. Las entradas da taglia per quella – avant paucs onns anc milliuns – sajan praticamain crudadas uss sin nulla ed ils plazs da lavur periclitads pervia dals bass pretschs per l'energia idraulica.

Ulteriurs aspects

Tenor cuss. naz. *Martin Candinas* vul il cussegl federal nizzegiar la midada d'energia cun reglar da nov la politica respectiva. Quai muntia na sulet sclauder las ovras atomaras, mabain era investir massiv en ils purtaders d'energias renovablas ed adattar l'infrastruttura allas cundiziuns sa midadas. Igl è perquai da tschertgar schliaziuns per na sminuir la valita da las ovras idraulicas. Ils tschains d'aua ston vegnir mantegnids.

Per *Martin Maron*, president da la Uniun da las ovras electricas dal Grischun, èn las rodund 70 interpresas grischunas che produceschan e furneschan forza idraulica, confruntadas cun fitg grevas sfidas. La branscha saja periclitada ed uschia era il svilup economic dal Grischun. I saja da realisar tar las midadas che tut ils custs dals producents vegnian curclads.

Roland Tremp, che presidescha la Corporaziun communal da l'ovra electrica Cuira/Sand, constatescha ch'è il bass pretsch per current sin plaun internaziunal pudessi stimular da renunziar a l'atgna producziun, siond tut memia char. Ma quai avessi nauschas consequenzas per il provediment electric a lung termin.

En in discurs al podi – manà dad *Agostino Priuli* – han ils referents anc sclerì en qual aspect davart la gronda problematica co garantir a las ovras idraulicas era in avegnir.

Fervent appel

A la fin ha cuss. dals stans *Stefan Engler*, president da la pcd grischuna, drizzà in fervent appel da sustegnair tar las elecziuns naziunals da quest atun candidats e candidatas da la pcd (glistas 11 e 2) ed uschia da procurar ch'i giaja puspè ensivers cun la pcd dal Grischun.